

ՊԵՂՈՒՄՆԵՐՆ ԱՆԳԵՂԱԿՈՓՈՒՄ

ՕՆԻԿ ԽԵԿԻԿՅԱՆ


Ձանդեղուրի նախնադարյան մշակույթի բացակա օղակները և «զանգեղուրյան»¹ օջախի ընդգրկած սահմանները պարզելու նպատակով Ախսիանի շրջանում 1976 թ. կատարված պեղումները գոհացուցիչ արդյունքներ տվեցին: Հատկապես արդյունավետ էին Անգեղակոթ գյուղից մոտ 1 կմ արևմուտք գտնվող գամբարանաթմբերի պեղումները, որոնց ընթացքում հայտնաբերված նյութերի ուսումնասիրությունը մեծապես նպաստում է «զանգեղուրյան» մշակույթի փուլային զարգացմանը հետևելուն:

Պեղված բոլոր ութ դամբարաններն էլ քաբարկղային էին, ունեին վերգետնյա կառուցվածք և ծածկված էին միջին ու խոշոր շափի քարերից պատրաստված լիցքով (դրանց տրամագիծը տատանվում էր 8—12 մ, իսկ բարձրությունը՝ 0,8—1,60 մ միջև): Դամբարանախցերի (երկարությունը՝ 2—4,60 մ, լայնությունը՝ 1,30—1,80 մ, խորությունը՝ 0,6—1,30 մ) դիրքորոշումը արեւելքից-արևմուտք էր: Դրանց արևմտյան պատերը, բացառությամբ № 1, 3 և 4-ի, որոնք ունեին սեղանաձև հատակագիծ, աղեղնաձև էին շարված:

Հայտնաբերված նյութերի մասին ամբողջական պատկերացում կազմելու նպատակով դրանք ներկայացնում ենք ըստ դամբարանային համալիրների:

Դամբարան № 1 (շափերը՝ $4 \times 1,30 \times 0,60$ մ): Ննջեցյալի կմախքը և նյութերը փշրվել էին փլված ծածկասալերի և լիցքի քարերի ծանրությամբ տակ: Կավ էին պահպանվել երկու բրոնզյա օղեր (տախտ. I₈ ձևի), փոքրիկ շղթայիկը (տախտ. I₉), սարդիոնից ու երկնագույն շաղախից պատրաստված ուլունքներ (տախտ. I₁₅, I₁₆) և բրոնզյա թիթեղաթերթից շրջանաձև մի կախիկ (տախտ. I₂₆): Հավանաբար նույն ձևն է ունեցել նաև կախիկներից երկրորդը, որից միայն երկու բեկոր հայտնաբերվեց (տախտ. I₂₃): Պեղածոների մյուս խումբը խեցեղեն արտադրանք էր: Այստեղ առկա էին կճուճներ, գավաթներ, թասեր և քրեղաններ: Կճուճները կարմիր և գորշ, անփայլ անոթներ են, որոնց գնդաձև իրանները մի դեպքում ավարտվում են կտրուկ դուրս թեքված (տախտ. II₃₁), մյուսում՝ փոքր շրթով վերջացող ուղիղ վզով (տախտ. II₃₀): Անոթների իրանները զարդարված են փորագրման եղանակով արված ալիքաձև և դրոշմմամբ կատարված կարճ ակոսագծերով: Գնդաձև իրան ունեն նաև գավաթներից երեքը, որոնցից երկուսն ավարտվում են դուրս ճկված շուրթ ունեցող ցածր վզով (տախտ. II₉, I₁₀), իսկ մեկը՝ վերին մասում զարդարված լինելով կանելյուններով, ուղիղ վիզ ունի: Գավաթներից վերջինի

¹ Ձանգեղուրը զարգանալով հարավ-անդրկովկասյան մշակույթի շրջանակներում՝ սկսած մ. թ. ա. XI—X դդ. գրեթե բոլոր տեղական առանձնահատկություններ. տե՛ս А. А. Мартыросян, Армения в эпоху бронзы и раннего железа, Ереван, 1964, стр. 147—151. Օ. Ս. Խեկիկյան, Հետախուզական պեղումներ Ղափանի շրջանում («Պատմա-բանասիրական հանդես», 1973, № 3, էջ 234—240):




ՏԱՆՏԱԿ I

իրանը նույնպէս է և աչքի է ընկնում առանձին մասերի շեշտված անցումներով (տախտ. II₁₆)։ Սրանք, ինչպես և կճումները, պատրաստված են դուրդի վրա և ունեն խամրած կսոթ թեթևակի փայլեցված դարչնագույն, սև կամ գորշ երանգ։ Նույն եղանակով են պատրաստված և քրեղան-թասերը։ Վերջիններս մի դեպքում ուղիղ վզով, մյուսում՝ թեթևակի դուրս թեքված փոքրիկ շրթով։

(տախտ. I137) անոթների բեկորներ են, որոնց գույները գավաթների գույների կրկնությունն են:

Դամբարան № 2 (չափերը՝ $2 \times 1,30 \times 0,80$ մ): Այստեղ կատարված էր խմբակային թաղում: Կմախքներից երեքը հյուսիսային պատի մոտ էին՝ ղուխները գեպի հյուսիս, ղեմքերը արևմուտք, իսկ մեկը հարավային կողմում էր և գեմքն ուղղված էր հարավ-արևմուտք: Բոլորն էլ պառկեցված էին կողքի:



ծալած վերջույթներով: Նյութերի տեղադրության մեջ որևէ օրինաչափություն չէր նկատվում. դրանք ցրված էին ողջ դամբարանախցով: Այստեղ հետաքրքրական էր սև պեմզաքարից պատրաստված, հարթ տապարիկ հիշեցնող իր ձուլելու համար նախատեսված կաղապարի բեկորը (տախտ. I1), որը և ենթադրել է տալիս, թե դամբարանում թաղված են մետաղագործի ընտանիքի անդամներ: Ինչ վերաբերում է մետաղյա իրերին, ապա դրանք ներկայացված էին կտրվածքում կլոր (տախտ. I32), քառանիստ (տախտ. I30) և վեցանիստ (տախտ. I81) բրոնզյա ապարանջաններով, որոնցից մեկի մակերեսն աստամնավոր էր: Բրոնզյա մյուս իրերից էին կտրվածքում կլոր և շեղանկյան տեսք ունեցող օղիքը (տախտ. I8, 12) ու ձվաձև եզրագծով, հարթ թիթեղից պատրաստված կախիկի բեկորը: Վերջինիս կենտրոնում դրոշմման եղանակով արված է կիսագնդաձև ելուստազարդ, որից ճառագայթաձև հեռանում:

են նույն եղանակով արված երեք թերթիկներ (տախտ. I₂₄): Մետաղյա իրերից վերջինը երկաթյա մատանին էր (տախտ. I₇):

№ 2 դամբարանի զարդերի մյուս խումբը բրոնզից, սարդիոնից ու շաղախից պատրաստված ուլունքներն են (տախտ. I₁₇): Վերջիններիս շարքում հետաքրքիր էր ճերմակ շաղախից պատրաստված, ձկան գլուխ հիշեցնող ուլունքը (տախտ. I₂₁):

Տեսակների բազմազանությամբ և հարստությամբ աչքի էր ընկնում այս դամբարանի խեցեղեն արտադրանքը: Հայտնաբերված միականթ թասերի մակերեսները թեթևակի փայլեցված, սև, գորշ և դարչնագույն են, իսկ մեկի իրանի ստորին մասը զարդարված է փայլեցման եղանակով արված ուղղահայաց գծերով: Անոթներն ունեն երկկոն իրան, որոնցից մեկի վերին մասը զարդարված է հորիզոնական ակոսներով (տախտ. II₂₅), իսկ մյուսինը՝ ծավալոր (տախտ. II₂₆): Խեցանոթների հաջորդ խումբը միականթ գավաթներն են: Սրանցից մեկն ունի գնդաձև (տախտ. II₁₂), մյուսը՝ շեշտված անցումով երկկոն իրան, որն ավարտվում է կտրուկ դուրս թեքվող վզիկով (տախտ. II₁₃): Վերը նշված անոթներից առաջինի մոտ հայտնաբերվեց սև, թեթևակի փայլեցված, ալիքաձև մակերեսով փոքրիկ կափարիչ (տախտ. II₁₁): Ի տարբերություն սրանց, ձեռքի կռպիտ աշխատանքի արդյունք է ուղիղ վզով, նոնաձև իրանով, գորշ, անփայլ գավաթիկի բեկորը (տախտ. II₁₈): Փոքրածավալ անոթներից վերջինը (որի կանթը կոտրված է) ունի բարձր վզով և թեթևակի դուրս ճկված շուրթով ավարտվող տանձաձև իրան, որը զարդարված է գույզգույզ խմբավորված ուղիղ ափսոսագծերով (տախտ. II₃): Մյուս խեցատեսակները ներկայացված են մեկական օրինակով: Դրանց շարքում առկա են գորշ, թեթևակի փայլեցված, եռոտանի թապի մի մաս (տախտ. II₄₁), գնդաձև իրանով, ալիքաձև զարդանախշերով միականթ սափորի կես (տախտ. II₂), մրածածկ խոհանոցային կճուճի (տախտ. II₄₂), ռելիեֆ զարդագոտիներով քառականթ քրեղանի բեկորներ ու երկու անոթի մասեր: Թասի երկկոն իրանի վերին մասը զարդարված է ալիքաձև երեստագոտիներով, իսկ կանթի երկու կողմերում փորագրված են դեմ-դեմաց կանգնած կենդանիների յճավորված պատկերներ (տախտ. II₄₇): Ինչ վերաբերում է մյուս կավանոթի բեկորին, ապա այն ունեցել է ծորակավոր քրեղանի տեսք (տախտ. II₄₀):

Վերոհիշյալ նյութերից բացի, այստեղից գտնվեցին գետաքարից պատրաստված, երկու ծայրերը կոտրված մի սանդակոթ (տախտ. I₄) և մեկ եզրը թեթևակի հարդարված վանակատի բեկոր (տախտ. I₂):

Դամբարան № 3 (չափերը՝ 2,80×1,90×0,70 մ): Դամբարանախուցը ամբողջովին լցված էր քարերով, որոնք և փշրել էին նրա պարունակությունը: Անվնաս էին մնացել ձեռքով պատրաստված աղյուսագույն մի գավաթ (տախտ. II₂₉), բրոնզյա երկու ապարանջան (տախտ. I₃₃) ու մեկ փոքրիկ մատանի (տախտ. I₉): Մյուս բեկորներից, որոնք չհաջողվեց վերականգնել, առանձնացվեցին շագանակագույն, սև և գորշ գույնի անփայլ քրեղանների երեք բեկոր: Դրանցից երկուսի վերին մասերը զարդարված էին ռելիեֆ զարդագոտիներով (տախտ. II₃₃), իսկ մեկինը ավարտվում էր թեթևակի դուրս թեքված շուրթով (տախտ. II₃₇): Ինչ վերաբերում է կմախքին, ապա այն, դատելով փշրված ոսկորների դիրքից, պահպանված է եղել հարավային պատի մոտ, գլուխը դեպի հարավ: Ծննդով ապարանջանների և մատանու փոքր չափերից, ենթադրում ենք, որ ննջեցյալը դեռահաս է եղել:

Դամբարան № 4 (չափերը՝ $3 \times 1,20 \times 0,90$ մ): Այստեղ կմախքը պառկեց-
ված էր դամբարանախցի կենտրոնում, գլուխը դեպի հարավ: Նրա մոտ հայտ-
նարերվեցին երկու բրոնզյա մատանի (տախտ. I₈, 9) և հարդարված եզրերով
երկու վանակատե գործիք (տախտ. I₂): Նյութերի մյուս խումբը բաղկացած
էր տարատեսակ խեցանոթներից: Դամբարանում միականթ թասեր երկուսն
էին. մեկն ավարտվում է բարձր, թեթևակի ներս թեքվող եզրակողով (տախտ.
II₂₈), իսկ մյուսի մոտ այն ներձկված է և վերջանում է կլորացող շուրթով
(տախտ. II₃₈): Ձևով սրանց կրկնութունն է թեթևակի դուրս թեքվող շուրթով
բրեղանը (տախտ. II₃₇): Անոթների մյուս խումբը կազմում էին գնդաձև իրան
և դուրս փռված շուրթ ունեցող կճուճների մասերը, որոնց ուսերը զարդար-
ված են փորագիր ալիքավոր և հատիկաշար զարդերով (տախտ. II₄₄ ձևի):
Ալիքաձև զարդ է փորագրված նաև ձգված իրանով սափորի վրա, որի ուսա-
յին մասը զարդարված է խորակոս գծազարդերով, իսկ ալիքաձև գծերի միջև
գտնվող տարածությունը՝ ճառագայթաձև տարածվող կետերով (տախտ. II₈):
Անոթներից վերջինը գորշ դույնի, վերին մասը թեթևակի նեղացած և ապա
լայնացած, նուրբ շրթով բաժակ է (տախտ. II₇):

Դամբարան № 5 (չափերը՝ $3 \times 1,50 \times 1,10$ մ): Թաղումն անհատական էր:
Կմախքի վերջնությունները ծավալած էին: Նրա մոտից հայտնաբերվեցին բրոնզյա
մատանի (տախտ. I₈), երկու փոքրիկ օղեր, բրոնզյա փոքրիկ մի շղթայիկ
(տախտ. I₆) և խաչաձև դրոշմազարդ ունեցող բրոնզյա կախիկի բեկոր
(տախտ. I₂₅): Պերճանքի մյուս առարկաները պտտագլանաձև, տակառաձև
և գնդաձև սարդիոնից ու շաղախից պատրաստված ուլունքներ են (տախտ.
I₁₈):

Համեմատաբար հարուստ էր այս դամբարանից հայտնաբերված խեցե-
ղենը: Կան գնդաձև (տախտ. II₁₂, 21) ու երկկոն իրանով (տախտ. II₁₄, 15)
միականթ ու անկանթ գավաթիկներ, միականթ կանելյուրազարդ սափորներ
(տախտ. II₃, 4), ալիքաձև զարդով կճուճ (տախտ. II₄₅) և քրեղաններ (տախտ.
II₃₃, 36), որոնցից մեկը ներսից ցանցկեն, իսկ դրսից ուղղահայաց գծերով
արված փայլանախշով է (տախտ. II₃₅): Անոթների այս շարքում նորություն
էր լայնացող կողերով միականթ չանն ու ձգված իրանով, բարձր վզով և ուսա-
յին մասում հատիկաշար զարդով խորը գավաթը (տախտ. II₃₉):

Դամբարան № 6 (չափերը՝ $3,40 \times 1,40 \times 1$ մ): Այս դամբարանում թա-
ղումը խմբակային էր: Կմախքներից երկուսը հյուսիսային պատի մոտն էին՝
գլուխները դեպի արևելք, իսկ մեկը՝ արևելյան կողմում, գլուխը դեպի հարավ:
Դամբարանախցի արևմտյան կողմում հայտնաբերվեցին եղջերուի բրոնզյա
փոքրիկ արձանիկ (տախտ. I₁₃), կենտրոնում և եզրերում կիսագնդաձև գրոշ-
մազարդերով բրոնզյա շրջանաձև կախիկ (տախտ. I₂₇) և բրոնզյա մատանի
(տախտ. I₈ ձևի):

Փոքր խումբ են կազմում ապակուց (տախտ. I_{19բ}), սարդիոնից (տախտ.
I_{19ա}) և շաղախից պատրաստված տակառաձև, գլանաձև, տափակ և ձվաձև
ուլունքները (տախտ. I₁₉): Այստեղի խեցեղենի տեսակները նման են նախորդ
դամբարանի նմուշներին: Դրանցից են բաժակը (տախտ. II₇ ձևի), նռնաձև,
գնդաձև ու երկկոն իրանով միականթ ու անկանթ գավաթները (տախտ. II₁₇,
20, 22, 24), հատիկազարդ, մրոտված մակերեսով խոհանոցային կճուճը
(տախտ. II₄₄) և ուղիղ ձգրակողերով դարչնագույն թասի բեկորը (տախտ.
II₈₄): Նորություն է պաշտամունքային անոթի տարրին մասի կլոր և կամա-

րածև անցքերով բեկորը: Անցքերի միջև եղած տարածությունը զարդարված է խաչաձև, հորիզոնական ու ուղղահայաց փայլագծերով, իսկ անոթի վերին մասում փորագրված են հորիզոնական ակոսագծեր (տախտ. II₄₃):

Դամբարան № 7 ($4,60 \times 1,80 \times 1,30$ մ): Դամբարանաթմբի քարալիցքը հեռացնելու ժամանակ հայտնաբերվեց սանդի մի բեկոր (տախտ. I₅): Պեղումների ընթացքում պարզվեց, որ այստեղ էլ թաղումը խմբակային է եղել: Կմախքներից մեկը դամբարանի կենտրոնում էր, երկուսը՝ հյուսիսային պատի մոտ, իսկ շորորդը՝ հարավ-արևմտյան անկյունում: Բոլորն էլ պառկեցված էին կողքի, ծալած վերջույթներով: Դրանց շրջակայքում հայտնաբերվեցին կապույտ և երկնագույն շաղախից պատրաստված տարատեսակ ուլունքներ (տախտ. I₂₀), բրոնզյա երեք մատանի (տախտ. I₈, 9) և մի փոքրիկ զարդավահանիկ (տախտ. I₂₈): Հետաքրքրական են եռանկյունաձև անցքերով (գրանցից երեքը խուլ են, իսկ 26-ը միջանցիկ) բրոնզյա դանաձև, անամեջ իրը (տախտ. I₂₂) և կտրվածքում կլոր տեսք ունեցող, բրոնզյա լարից կախիկը (տախտ. I₁₄), որն իր տեսակի մեջ, մեղ հայտնի տվյալներով, եզակի է: Հայտնաբերված վերջին զարդը վերին և ստորին մասերում երեքական ելուստներով բրոնզյա փոքրիկ կախիկ է (տախտ. I₂₃): Այս նյութերից զատ, գտնվեցին նաև վանակատի երկու անմշակ բեկոր, գորշ քարից պատրաստված փոքրիկ գուրդ, որն, ամենայն հավանականությամբ, իշխանության խորհրդանիշ է հանդիսացել (տախտ. I₁₁) և տափակ պոչուկին բրոնզյա դամբարանաթմբի վերին մասի կախիկ (տախտ. I₁₀):

Բազմաքանակությամբ և տարատեսակությամբ էր աչքի ընկնում այստեղի խեցեղենը: Կային ինչպես առօրյա գործածության, այնպես էլ պաշտամունքային նշանակություն ունեցող սափորներ, զավաթներ, սրվակ, բաժակ, կճուճներ, քրեղաններ և տեփուներ: Սափորներն երկուսն են: Դրանցից մեկն իրանի գնդաձևությամբ և ալիքաձև ռելիեֆ զարդագոտիներով նման է վերը նշվածներին (տախտ. II₁), իսկ մյուսի գնդաձև իրանն ավարտվում է կտրուկ դուրս թեքվող շուրթ ունեցող, թեթևակի նեղացող, բարձր վզով: Վերջինս զարդարված է փայլեցմամբ արված ուղղահայաց զծաղարդերով: Անոթի աղեղնաձև կանթի պահպանված մասը շուրթի հետ միացման տեղում պարուրաձև ելուստազարդ ունի (տախտ. II₅): Ձևերով, գույներով և զարդամոտիվներով նախորդ դամբարաններից հայտնաբերվածների կրկնությունն են երեք միականթ զավաթները (տախտ. II₁₂, 24): Չորրորդն առանձնանում է իրանի փոքր-ինչ շեշտված անցումներով և վզի ձևով (ուղիղ): Անոթի ուսերը զարդարված են ալիքաձև ու հատիկաշար զարդով (տախտ. II₁₉): Նույն ձևն ունեն նաև երկու փոքրիկ այլ անոթներ, որոնց հատակների կենտրոնում անցքեր են արված: Դրանցից մեկի իրանի ստորին մասը զարդարված է փայլեցմամբ արված ուղղահայաց գծերով (տախտ. II₂₃), իսկ մեկ այլ փոքրածավալ սրվակի ձգված իրանն ավարտվում է թեթևակի լայնացող բարձր վզիկով (տախտ. II₃₂): Պատրաստման նրբությամբ առանձնանում է կամարաձև, խոշոր կանթով թասիկի կեսը, որի բարձր, ուղիղ եզրակողը ավարտվում է թեթևակի դուրս ճկված շուրթով (տախտ. II₂₇): Ինչ վերաբերում է կճուճներին (տախտ. II₄₄, 46), քրեղաններին (տախտ. II₃₃, 42) ու բաժակին (տախտ. II₇), ապա դրանք նախորդ դամբարանից հայտնաբերվածների կրկնությունն են: Իր ձևով քրեղանից չի տարբերվում ներսից ու դրսից լուսած, շագանակագույն

տեփուրի ուիականթ բեկորը, որի վերին մասում կան ուղիղ ծալքագոտիներ (տախտ. I142):

Դամբարանից հայտնաբերված վերջին իրը պաշտամունքային նշանակություն ունեցող անոթն է, որը, ցավոք, թերի է: Բեկորների վերակազմությունից պարզվեց, որ այն եղել է եռոտանի, խողովակաձև իրանով, շրջանաձև անոթ, որի վերին մասում նկատվում է փոքրիկ կանթիկով ինչ-որ լրացուցիչ հարմարանք: Անոթի իրանը զարդարված է ալիքաձև զարդագոտիներով (տախտ. I143):

Դամբարան N° 8: Սա ձևով ամենևին չէր տարբերվում նախորդներից և, չնայած դամբարանախցի պատկառելի չափերին ($3,30 \times 1,50 \times 0,70$ մ), հուշադամբարան էր: Այդ է վկայում կմախքի բացակայությունը: Նկատենք, որ դամբարանի ծածկասալերը մեծ դժվարություններ հնարավոր եղավ հեռացնել, որը և բացառում է դամբարանի կողոպտված լինելու հանգամանքը: Պեղումների ընթացքում հայտնաբերվեցին բրոնզյա փոքրիկ մատանի (տախտ. I9), կապույտ շաղախից ուլունք, գնդաձև իրանով աղյուսագույն գավաթի (տախտ. I20) և դուրս թեքվող շուրթով քրեղանի (տախտ. I142) անզարդ բեկորներ:

Այսպիսով, նկարագրված բոլոր դամբարանների խեցեղենի մի մասը առաջին հերթին հիշեցնում է Զանգեզուր—Ղարաբաղի (Լծեն, Տոլուս, Լոր, Տանձավեր, Շիկահող, Առաջածոր, Սրխավենդ, Մեհմանա և այլն) և Հայաստանի ու հարևան հանրապետությունների մ. թ. ա. XI—IX դդ. թվագրվող հուշարձաններից հայտնաբերված համանման իրերը: Սակայն քննվող ողջ նյութը հնարավորություն է տալիս դրանք դասելու մ. թ. ա. 1-ին հազարամյակի սկզբով թվագրվող հուշարձանների շարքը: Հանդիսանալով նախորդ դարաշրջաններում ձեռք բերված նվաճումների անմիջական ժառանգորդները, վերջիններս, բնականաբար, կրում են դարերի խորքից եկող կատարելագործումների և տեղական ձևերի առանձնահատկությունների կնիքը: Դրա ապացույցներից մեկը եղջերուի արձանիկն է, որն իր ուշ բրոնզեդարյան նմանակներից տարբերվում է մանրամասների բացակայությամբ, ձևի պարզեցությամբ, սահունությամբ և չափերի փոքրությամբ: Այս արձանիկից ոչնչով չի տարբերվում Վաղուդի գյուղից 1962 թ. պատահականորեն գտնված նույն շրջանի նմուշը²:

Ժամանակագրական առումով նույն շրջանին են պատկանում նաև բրոնզյա զարդակախիկները, որոնց զուգահեռները առկա են Բեդկին-լագերի մ. թ. ա. X դ. վերջով և IX դ. թվագրվող նյութերում: Վերջիններիս շարքում կան նաև ատամնավոր ապարանջաններ ու պարուրագալար օղեր³, որոնք ամենավին չեն տարբերվում անգեղակոթյան նմուշներից: Նույն նմանությունն է նկատվում նաև № 2 դամբարանից հայտնաբերված դրոշմազարդ կախիկի և Ոսկեվազում գտնված համանման զարդի (մ. թ. ա. X—IX դդ.) համեմատական ուսումնասիրությամբ⁴:

Բ. Կուֆտինը ուրարտական ժամանակաշրջանին է վերագրում Յինցկարույի դամբարանադաշտից հայտնաբերված «դոմինոյաձև» ուլունքները, որոնք գտնվել են Անգեղակոթում պեղված տակառաձև ուլունքներից ամենևին չտար-

² 2002 պետական պատմական թանգարան, գույք № 2308:

³ А. А. Маргиросян. *Նշվ. աշխ.*, էջ 193—200:

⁴ Т. С. Хачатрян, Из истории изучения древнейших памятников склонов горы Арагац («Հայագիտական հետազոտություններ», հ. Ա, Երևան, 1974):

բերվող օրինակների հետ: Հետագա պեղումների և ուսումնասիրությունների արդյունքները ցույց տվեցին, որ նմանօրինակ զարդատեսակները բնորոշ են մ. թ. ա. X—VI դդ. հուշարձաններին (Րեդկին-լագեր, Խրթանոց, Լենինական, Արթիկ, Նորադուղ և այլն), հետևաբար, դրանք կայուն թվագրել հնարավոր չէ⁶: Իրոք, չնայած անգեղակոթյան նյութերի մի մասն իր զուգահեռներն ունի մ. թ. ա. XI—IX դդ. հուշարձաններում, բայց դրանց գերակշռող մեծամասնությունը բնորոշ է մ. թ. ա. IX դ. վերջին և VIII դ.: Այդ զուգահեռներից հատկապես կարևոր են Արարատյան դաշտի հուշարձանները, որոնք, անմիջապես նախորդելով ուրարտական արշավանքներին, թվագրվում են մ. թ. ա. IX—VIII դդ. և ստույգ թվագրվող նյութեր են: Այս առումով կարելի է պարզել Քրդի Նախուրարտական ժամանակաշրջանի բնականավորից և նրա դամբարանադաշտից հայտնաբերված նյութերը: Այստեղ № 1 դամբարանից հայտնաբերվել են կտրվածքում կլոր տեսք ունեցող բրոնզյա ապարանջաններ, երկկոնաձև իրանի վերին մասում ծալքագոտիներով զարդարված գավաթ և այլն, որոնք բնականավորի 2-րդ շրջանի՝ մ. թ. ա. IX—VIII դդ. նյութերի պատճեններն են: Նույն ժամանակաշրջանով են թվագրվում նաև № 4 և № 5 դամբարաններից հայտնաբերվածները, որոնց մեջ կան փորագիր և փայլեցման եղանակով արված ալիքաձև զարդերով ծորակավոր, միականթ անոթներ⁷:

Մ. թ. ա. X—VIII դդ. են թվագրվում նաև Մեծամորի հրդեհված շերտից ու տաճարներից հայտնաբերված նյութերը, որոնց նմանությունը անգեղակոթյան նմուշների հետ ակնհայտ է: Դրանց շարքում առանձնանում են կանելյուրազարդ, խորաքանդակ գոտիները, ալիքների, զիգզագների և հատիկների տարբեր զուգորդություններով զարդարված կճուճներն ու թաղարները, ինչպես և ձգված իրանով բաժակները, շաների ու եռամաս իրանով անոթների բեկորները: Անգեղակոթյան նյութերի հետ հաջող են կապվում նաև Մեծամորի դամբարանադաշտից՝ 1963 և 1965 թթ. պեղումների ընթացքում հայտնաբերվածները, որոնք «գլխամասում կամարաձև կառուցվածք» ունեցող դամբարանների պարունակություն են⁸: Տարբերությունն այստեղ Անգեղակոթի դամբարանների վերերկրային կառուցվածքումն է միայն (այդպիսին էր նաև Տառնձավեր գյուղում պեղված դամբարանների կառուցվածքը):

Անդրադառնալով Մեծամորի դամբարանադաշտից հայտնաբերված նյութերին, նկատենք, որ ի թիվս այլ նյութերի, № 1 դամբարանից հայտնաբերվել են միականթ գավաթ, կճուճ և եռամաս իրանով կավաման, որը ոչնչով չի տարբերվում հատակին անցք ունեցող անգեղակոթյան օրինակներից: Համանման խեցեղեն հայտնաբերվել է նաև № 6 և № 8 դամբարաններից:

Անգեղակոթյան նյութերի զուգահեռների մյուս խումբն են կազմում Կարմիր բերդի դամբարանադաշտի, ժամանակագրական առումով 2-րդ շրջանի (մ. թ. ա. IX—VIII դդ.), դամբարանների նյութերը: Վերջիններիս մեջ առկա

⁶ Б. А. Куфтин, Археологические раскопки в Тriaлетн, Тбилиси, 1941, стр. 54, рис. 51, табл. XXII, стр. 279.

⁷ А. А. Мартиросян, *Եղ. աշխ.*, էջ 196—211, Т. С. Хачатрян, Древняя культура Ширака, Ереван, 1976, стр. 242—243, рис. 155.

⁸ А. А. Мартиросян, Город Тейшебаини, Ереван, 1961, стр. 57—59, рис. 26 а, в.

⁸ Է. Վ. Խանդավյան, Կ. Հ. Մկրտչյան, Է. Մ. Պարսամյան, Մեծամոր, Երևան, 1973, նկ. 62, 65, 74, 76, 118, ազ. 10, 11, 16, նկ. 5, 7, 8:

ևն ոչ միայն հատիկաշար ու ալիքածե զարդանախշով կառուցներ, սիականթ շաներ, իրանի վերին մասում ալիքածե դոտեզարդերով և խոր ակոսադժերով զարդարված քրեզաններ, սիականթ գավաթներ, բաժակներ, այլև ատամնավոր մականբոսով, կտրվածքում կտր ու քառանիստ ասրատեսակ ապարանջաններ, որոնք լայն տարածում են ունեցել մ. թ. ա. 1-ին հազարամյակից սկսած⁹։ Այստեղից հայտնաբերված ծորակավոր կամ «թեփեկաձև» անոթի (դամբարան № 55) նմանությունը անգեղակոթյան նոմոլի հետ անառարկելի է¹⁰։ Նման անոթ «սերձսեանյան» դաշույնատեսակի հետ հայտնաբերվել է ԱՍՍՀ Սեդ-բենդ դյուզի մի քարակղզից¹¹, իսկ Կաբալայից՝ երկաթեդարյան նյութերի հետ գտնված երկկոն իրանով սիականթ դավաթը վերը թվարկվածների կրկնությունն է¹²։

Կարելի է բերված զուգահեռներն ավելացնել Հայկական լեռնաշխարհի հյուսիս-արևելյան տարածքի բազմաթիվ հուշարձաններից հայտնաբերված, մ. թ. ա. 1-ին հազարամյակի սկզբին պատկանող համանման նյութերով, սակայն եղածներն էլ բավական են Անգեղակոթի նյութերը մ. թ. ա. IX դ. վերջով և VIII դ. թվադրելու համար։ Միաժամանակ այդ զուգահեռների ընդհանրությունը կասկած չի հարուցում, որ Ձանգեզուրը մ. թ. ա. 1-ին հազարամյակի սկզբում շարունակում էր զարդանալ «Հարավանդկովկասյան» սիականթի և զարդանալի շրջանակներում։

РАСКОПКИ В АНГЕХАКОТЕ

ОНИК ХНКИКЯН

Резюме

Во время разведочных раскопок в Сисианском районе (1976 г.), западнее села Ангехакот, на расстоянии 1 км от него было обнаружено восемь курганов. Погребальные камеры курганов представляли собой обыкновенные «каменные ящики» с каменной насыпью. Диаметр курганов 8—12 м, при высоте 0,8—1,60 м. Погребальные камеры, имеющие наземное устройство, ориентированы с запада на восток и имеют следующие размеры: длина от 2—4,60 м, ширина 1,30—1,80 м, глубина 0,6—1,30 м.

В погребениях №№ 1, 3, 5 были одиночные захоронения, а в №№ 2, 6, 7—коллективные. Погребение № 8 оказалось кенотафом. Обнаруженный материал—бронзовые украшения, скульптура оленя, железный наконечник стрелы, перстень, а также разнообразные керамические изделия, имеющие в основном тускло-черную поверхность, датируемые концом IX—VIII вв. до н. э. Анализ материала указывает на общность культуры северо-восточных районов Армянского нагорья.

⁹ Ս. Ա. Եսայան, Հայաստանի պատմական թանգարանի րրոնդե ապարանջանները (ՀՍՍՀ ԳԱ «Տեղեկագիր» (հաս. գիտ.), 1964, № 2, էջ 86, աղ. 3), С. А. Есаян, Ерван (Археологический очерк), Ереван, 1969, стр. 36—39, 49—50, табл. 24—26, 34.

¹⁰ Ս. Ա. Եսայան, Երևանի քաղաքի պատմության թանգարանի հնագիտական իրերի կառավար, հ. 3, Երևան, 1972, աղ. 10, նկ. 6։

¹¹ «Отчеты археологической комиссии за 1900 г.», вып. X, СПб., 1902, рис. 224.

¹² С. М. Казиев, О древних погребальных обрядах на территории Кабалы («Материальная культура Азербайджана», т. VI, Баку, 1965, стр. 246—247, табл. II, рис. 8).